

COMISIÓN INFORMATIVA DE FACENDA E ECONOMÍA

ACTA da mencionada comisión informativa, correspondente ó día **16 de maio de 2018**

ASISTENTES:

PRESIDENTE: D. Francisco José Fraga Civeira	No Pazo da Deputación Provincial de Ourense, o 16 de maio de 2018 , ás 17.15 horas, baixo a presidencia de don Francisco José Fraga Civeira, e con asistencia dos señores/as á marxe relacionados, reúnese a expresada comisión informativa, co fin de proceder á preparación e estudo dos asuntos que se indican, adoptándose os seguintes acordos:
DEPUTADOS/AS:	
D. Rosendo Luís Fernández Fernández	
D. Antonio Montero Fernández	
D. Plácido Álvarez Dobaño	
D. Pablo Pérez Pérez	
D. ^a Consuelo Vispo Seara	
D. José Antonio Feijóo Alonso	
D. ^a Isabel Gil Álvarez	
D. Vicente Gómez García	
D. Armando Ojea Bouzo	
D. Ramiro Rodríguez Suárez	
SECRETARIO:	
D. Francisco Cacharro Gosende	
INTERVENTOR ACCTAL:	
D. José Mosquera Casero	

1º.- ACTA ANTERIOR, CORRESPONDENTE Á ORDINARIA DO DÍA 18 DE ABRIL DE 2018

En relación coa acta da reunión anterior, correspondente á ordinaria do día 18 de abril de 2018, non se formulan observacións, quedando aprobada por unanimidade.

2º.- APROBACIÓN INICIAL DA MODIFICACIÓN DA ORDENANZA REGULADORA DOS PREZOS PÚBLICOS POLA PRESTACIÓN DE SERVIZOS

E A REALIZACIÓN DE ACTIVIDADES NO PAZO DOS DEPORTES PACO PAZ.

O **Sr. Secretario** expón o contido da proposta de Presidencia.

A continuación, prodúcense as seguintes intervencións:

D. Armando Ojea Bouzo, do Grupo de Democracia Ourensana, pregunta pola modificación do artigo 6, non aludida na explicación do Sr. Secretario.

O **Sr. Secretario** explica que no artigo 6 se prevé a posibilidade de esixencia dunha fianza ou garantía aos usuarios das instalacións para responder de posibles danos, sinalando que no Pazo dos Deportes se realizan todo tipo de actividades, incluíndo espectáculos públicos e actividades recreativas (tales como concertos, exhibicións...) que potencialmente poderían causar danos nas instalacións; se prevé, ademais, e en todo caso unha fianza fixa de 100 euros para os clubs deportivos.

Non se producen máis intervencións, someténdose o asunto a votación, recibindo o voto favorable do Grupo Popular (6) e a abstención do resto dos grupos, co que a comisión ditamina favorablemente a adopción, por parte do Pleno, do seguinte acordo:

1º. Aprobar a modificación da Ordenanza reguladora dos prezos públicos pola prestación de servizos e a realización de actividades no Pazo dos Deportes Paco Paz e outras instalacións deportivas, no sentido seguinte:

a) Modifícase a denominación da ordenanza, eliminándose a referencia a “outras instalacións deportivas”

b) Modifícase o artigo 1, que queda redactado do seguinte modo:

Artigo 1º.- De conformidade co previsto na vixente lexislación reguladora das facendas locais, esta Deputación establece os prezos públicos pola prestación de servizos e a realización de actividades no Pazo dos Deportes “Paco Paz”.

c) Modifícase o artigo 2, que queda redactado do seguinte modo:

Artigo 2º.- Están obrigados ó pagamento do prezo público regulado nesta ordenanza, tódalas persoas físicas ou xurídicas, así como as entidades sen personalidade xurídica a que se

refire o artigo 35.4 da Lei xeral tributaria, que sexan beneficiarias dos servizos ou da realización de actividades no Pazo dos Deportes “Paco Paz”.

d) Modifícase o artigo 5, que queda redactado do seguinte modo:

Artigo 5º.- A Xunta de Goberno poderá conceder bonificacións nas tarifas por utilización do pavillón auxiliar e o pavillón principal, previa solicitude dos interesados, cando concorran as seguintes circunstancias:

Que a actividade para a que se van utiliza-las instalacións teña un claro carácter de interese público, social, cultural ou deportivo, non podendo tratarse, en ningún caso, dunha actividade susceptible de reportar un beneficio económico ó solicitante.

O carácter de interese público, social, cultural ou deportivo, virá ponderado polas seguintes circunstancias que servirán de criterios de valoración para a concesión da porcentaxe das bonificacións correspondentes:

- Condicionantes económicos da entidade provenientes da análise do seu presuposto ou liquidación de gastos e ingresos, dando maior puntuación canto máis racional sexa e canto máis contribución exista de fondos propios e axudas privadas.

- Cando se trate de solicitude para uso de instalación ao longo da temporada deportiva, valoraranse os anos de antigüidade utilizando o Pazo dos Deportes, dando máis puntos canto máis antiga sexa a súa presenza na instalación. Cando se trate de actividade puntual, valorarase a idoneidade e especial consideración, a tal fin, do Pazo dos Deportes, dando máis puntos canto máis adecuada sexa a instalación para a actividade de que se trate.

- Categoría deportiva dos deportistas para os cales solicita a bonificación e categoría da competición. Puntuarase máis alta a presenza de máis equipos e deportistas de base, de mulleres e a presenza de colectivos desfavorecidos. Tamén se outorgará unha puntuación máis alta canto máis importante sexa a categoría da competición.

- Outras especiais circunstancias, razoadas de maneira motivada, que redunden en beneficio do Pazo dos Deportes e dos seus usuario, ou que supoñan un claro interese público ou social da actividade.

Anualmente, ao comezo da temporada deportiva, a Xunta de Goberno realizará unha convocatoria pública para a solicitude e concesión de bonificacións. O acordo de convocatoria incluírá unhas bases reguladoras, nas que se definirán os prazos de presentación de solicitudes, a documentación que debe presentarse e os lugares e condicións para a súa presentación,

concretándose ademais os criterios de valoración no marco do establecido na presente ordenanza.

A convocatoria poderá establecer prazos diferenciados de presentación de solicitudes para o uso continuado de instalacións ao longo da temporada deportiva e para a solicitude de bonificacións para a realización de actividades puntuais.

A convocatoria publicarse no Boletín Oficial da Provincia e na sede electrónica da Deputación Provincial. Adicionalmente poderá publicarse noutros medios de difusión, así como remitirse avisos por correo electrónico ás entidades deportivas usuarias do Pazo dos Deportes Paco Paz que figuren na base de datos de terceiros do Servizo de Deportes.

Previos os informes oportunos, a Xunta de Goberno graduará a porcentaxe da bonificación que conceda en función dos criterios de valoración indicados anteriormente e acreditados polo solicitante, podendo acadar con carácter extraordinario o 100% das tarifas establecidas.

Excepcionalmente, o Pleno da Deputación poderá regular, sen suxeición ás regras xerais establecidas nesta ordenanza, e mediante convenios de carácter plurianual, o uso das instalación do Pazo dos Deportes Paco Paz por parte de entidades deportivas cuxa actividade poida considerarse de marcado interese xeral para a provincia.

Os convenios de uso das instalacións preverán en todo caso as contraprestacións a que se obriguen as entidades beneficiarias, que non terá porque ter un contido económico, pero si supoñer un beneficio social ou deportivo para a provincia, preferentemente vinculado ao fomento do deporte de base.

e) Modifícase o artigo 6, que queda redactado do seguinte modo:

Artigo 6º.- Poderá esixirse ós usuarios do pavillón auxiliar, pavillón principal e a constitución dun depósito ou garantía para responder dos posibles danos ou estragos no uso das instalacións, sendo este devolto ó comprobarse que non se causase dano ningún. En todo caso, establécese unha fianza para clubs, con reserva de instalación por temporada deportiva, de cen euros (100 €), que lles será devolta ó finaliza-la temporada.

f) Modifícase o artigo 9, que queda redactado do seguinte modo:

Consonte ao sinalado no artigo 47 do Real Decreto Lexislativo 2/2004, polo que se aproba o Texto Refundido da Lei reguladora das Facendas Locais, delégase na xunta de

gobierno provincial a fixación e/ou modificación das tarifas resultantes da liquidación dos prezos públicos pola aplicación da presente Ordenanza.

A Xunta de Goberno poderá establecer tarifas diferenciadas para usuarios que pertencen a colectivos precisados de especial protección ou que sexan obxecto de políticas de fomento da práctica deportiva, así como establecer tarifas bonificadas nos supostos de unidades familiares ou mediante o sistema de bonos para a utilización das instalacións e servizos durante períodos de tempo predeterminados.

En todo caso, as ditas tarifas deberán cubrir como mínimo o custe dos servizos prestados ou da actividade realizada, conforme establece o artigo 44.1 do Texto refundido da Lei reguladora das Facendas Locais. A tal efecto, a proposta de fixación de tarifas deberá acompañarse dun informe económico que xustifique este extremo.

Non obstante o anterior, e de conformidade co establecido no artigo 44 .2 do Texto refundido da Lei reguladora das Facendas Locais, a Xunta de Goberno poderá establecer tarifas por debaixo do custe dos servizos ou actividades, cando aprecie de xeito motivado a existencia de razóns sociais, benéficas ou de interese público que o aconsellen.

g) Modifícase o artigo 13, que pasa a denominarse Disposición final, quedando redactada do seguinte modo:

Disposición final.- *A presente ordenanza entrará en vigor o 1 de setembro de 2018, unha vez publicada no Boletín Oficial da Provincia de Ourense e sempre que transcorreran os prazos establecidos no artigo 65.2 da Lei de bases do réxime local.*

2º. Someter a modificación da ordenanza ao trámite de información pública e audiencia dos interesados, de conformidade co disposto no artigo 49 da Lei 7/1985, reguladora das bases do réxime local, polo prazo de trinta días hábiles, mediante anuncio que se publicará no BOP, realizándose tamén a pertinente publicación no taboleiro de edictos e na sede electrónica da Corporación. Durante o expresado prazo poderán presentarse as reclamacións e suxestións que se estimen oportunas, as cales serán resoltas pola corporación co acordo de aprobación definitiva da modificación da ordenanza, se procedese. No caso de que

non se presentasen reclamacións ou suxestións entenderase elevado a definitivo o presente acordo de aprobación inicial.

3º.- APROBACIÓN INICIAL DA ORDENANZA FISCAL REGULADORA DA TAXA POLA PARTICIPACIÓN EN PROCEDEMENTOS DE SELECCIÓN DE PERSOAL.

O Sr. **Secretario** expón o contido da proposta de Presidencia.

Non se producen intervencións, someténdose o asunto a votación, obtendo o voto favorable dos deputados do Grupo Popular (6) e a abstención do resto dos grupos, ditaminándose favorablemente a adopción, por parte do Pleno, do seguinte acordo:

1º) Acordar a imposición da taxa pola participación en procesos selectivos de persoal da Deputación Provincial de Ourense, aprobando inicialmente a Ordenanza fiscal reguladora da dita taxa, co seguinte contido:

Artigo 1. Obxecto e fundamento.

1. A presente ordenanza fiscal ten por obxecto a regulación da taxa pola participación en procesos selectivos de persoal da Deputación Provincial de Ourense.

2. A imposición da taxa regulada na presente ordenanza fiscal se realiza no exercicio da potestade tributaria recoñecida ás provincias polos artigos 133.2 e 142 da Constitución española e polo artigo 106 da Lei 7/1985, do 2 de abril, reguladora das bases do réxime local, de conformidade co disposto nos artigos 15 a 27 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais

Artigo 2. Feito imponible.

Constitúe o feito imponible da taxa por participación en procesos selectivos de persoal a realización da actividade administrativa de xestión dos procesos de selección de persoal laboral e funcionario da Deputación Provincial de Ourense, incluídos os procesos de selección de persoal laboral temporal ou funcionario interino, en calquera das súas modalidades.

Para estes efectos considérase como un proceso selectivo independente o que teña por obxecto seleccionar persoal para unha ou varias prazas ou postos de traballo

correspondentes a unha única categoría profesional e mediante un proceso de valoración diferenciado, realizado por un único órgano de valoración. A participación en cada proceso selectivo constituirá un feito impoñible independente, determinando a devindicación da taxa, aínda cando os diferentes procesos selectivos se realicen ao abeiro dunha única convocatoria.

Non terá a consideración de proceso selectivo independente para estes efectos, o que se realice para a selección de persoal para varias prazas ou postos de traballo da mesma categoría profesional en diferentes zonas da provincia, salvo que os ditos procesos esixan unha valoración diferenciada por órganos de valoración distintos.

Artigo 3. Suxeitos pasivos.

Serán suxeitos pasivos da taxa, en concepto de contribuíntes, as persoas físicas que soliciten a participación como aspirantes nos procedementos selectivos aos que se refire o artigo 2.

Artigo 4. Devindicación.

A devindicación da taxa producirase no momento da solicitude de inscrición como aspirante nos procedementos selectivos.

O pagamento da taxa conforme co establecido no artigo 6 da presente ordenanza será requisito para a admisión no proceso selectivo de que se trate.

Artigo 5. Cota tributaria.

A cota tributaria consistirá nunha tarifa fixa determinada en función do grupo ou subgrupo de titulación esixido para o desempeño da praza ou posto de traballo convocado.

As tarifas fixas aplicables serán as seguintes:

<i>Grupo A, subgrupo A1</i>	<i>19 €</i>
<i>Grupo A, subgrupo A2</i>	<i>17 €</i>
<i>Grupo B</i>	<i>16 €</i>
<i>Grupo C, subgrupo C1</i>	<i>15 €</i>
<i>Grupo C, subgrupo C2</i>	<i>13 €</i>

Agrupacións profesionais sen requisito de titulación	10 €
--	------

Artigo 6. Normas de xestión.

1. A taxa regulada nesta ordenanza esixirase en réxime de autoliquidación.

A autoliquidación realizarase no impreso normalizado que se facilitará aos interesados nas oficinas do Servizo de Recursos Humanos e na sede electrónica da Deputación. Con este impreso o interesado realizará o ingreso en calquera das entidades bancarias colaboradoras que se indiquen na autoliquidación ou a través da pasarela de pagos da sede electrónica da Deputación Provincial.

O pagamento deberá realizarse durante o prazo de presentación de instancias, debendo achegarse o duplicado da autoliquidación pagada coa solicitude de participación no proceso selectivo.

Non obstante o anterior, e de conformidade co establecido no artigo 68.1 da Lei 39/2015, de 1 de outubro, do procedemento administrativo común das administracións públicas, admitirase o pagamento realizado no prazo de dez días hábiles de emenda de solicitudes.

2. A devolución das taxas só procederá nos seguintes supostos:

a) Cando o interesado non chegue a participar en ningunha das probas do proceso selectivo por causas que non lle sexan imputables.

b) Nos supostos en que a Administración desista da resolución do proceso selectivo.

Non procederá a devolución da taxa nos supostos de exclusión do procedemento por causas imputables ao/á interesado/a.

3. A devolución das taxas realizarase de oficio ou a instancia dos interesados.

Artigo 7. Exencións e bonificacións.

1. Estarán exentos de pago da taxa as persoas con discapacidade igual ou superior ao 33 % e as persoas acrediten atoparse en situación de desemprego como parados de longa duración.

2. As persoas que formen parte dunha familia numerosa gozarán dunha bonificación do 50%.

3. Para a aplicación dos beneficios fiscais previstos neste artigo, os interesados deberán xustificar as circunstancias concorrentes, mediante a oportuna documentación, no momento da presentación da solicitude de inscrición no correspondente procedemento, nos termos que especifiquen as bases reguladoras de cada procedemento selectivo.

Para estes efectos, será de aplicación o establecido no artigo 28.2 da Lei 39/2015, de 1 de outubro, do procedemento administrativo común das administracións públicas, en canto a obtención da dita documentación por parte da propia Deputación de Ourense.

Artigo 8. Infraccións e sancións tributarias

En todo o relativo a infraccións e sancións tributarias serán de aplicación as normas establecidas na Lei xeral tributaria e nas normas regulamentarias que a desenvolven.

Disposición Final

A presente ordenanza fiscal entrará en vigor ao día seguinte ao da súa publicación no Boletín Oficial da Provincia.

2º) Someter a información pública o presente acordo, por prazo de trinta días hábiles, mediante anuncios que se publicarán no Boletín Oficial da Provincia, no taboleiro de anuncios da Corporación e na sede electrónica, así como nun dos diarios de maior difusión da provincia. O prazo de trinta días hábiles computarse dende a publicación do anuncio no Boletín Oficial. Durante o dito prazo, os interesados poderán examinar o expediente e presentar as reclamacións que consideren oportunas. As reclamacións serán obxecto de resolución expresa polo Pleno da Deputación, mediante o acordo de aprobación definitiva da ordenanza. No caso de que non se presenten reclamacións en prazo, entenderase automaticamente elevado a definitivo o acordo de aprobación inicial, procedéndose

á publicación do texto íntegro da ordenanza no Boletín Oficial da Provincia para a súa entrada en vigor.

4º.- MOCIÓN DO BNG PARA SOLICITAR UNHA COMISIÓN DE INVESTIGACIÓN EN RELACIÓN COAS IRREGULARIDADES DETECTADAS NO PROCEDEMENTO DE REGULARIZACIÓN CATASTRAL.-

A Presidencia cede a palabra a don Ramiro Rodríguez Suárez, portavoz do Grupo do BNG, para que expoña e defenda o contido da moción.

D. Ramiro Rodríguez Suárez, do grupo do BNG, expón brevemente o contido da moción, dando lectura á parte dispositiva da proposta.

Non se producen intervencións, someténdose a votación o asunto, obtendo o voto favorable do Grupo do BNG (1) o voto en contra do Grupo Popular (6) coa abstención do resto dos grupo. En consecuencia, non se ditamina favorablemente a adopción do acordo proposto na moción.

5º.- MOCIÓN DE URXENCIA.- Non se presentan.

6º.- ROGOS E PREGUNTAS.- Non se formulan.

E, ás 17:30 horas, dáse por finalizada a reunión, redactándose a presente acta, que asinan o presidente e o secretario. Certifico.